

BOSNA I HERCEGOVINA  
FEDERACIJA BOSNE I HERCEGOVINE  
VRHOVNI SUD  
FEDERACIJE BOSNE I HERCEGOVINE  
Broj: 64 0 P 042262 18 Rev  
Sarajevo, 26.04.2018. godine

Vrhovni sud Federacije Bosne i Hercegovine u Sarajevu, u vijeću sastavljenom od sudija Amire Sadović, kao predsjednice vijeća, Emine Hulusija i mr.sci. Danice Šain, kao članova vijeća, u pravnoj stvari tužiteljice Lj.Z. iz B..., zastupane po punomoćniku I.J., tužiteljinom bratu iz Š.B., F.G.M. bb, a u revizionom postupku po punomoćniku I.B., advokatu iz Š.B., protiv tuženih: S.M. iz B..., V.L. iz J... i škola B..., svi zastupani po punomoćniku S.T., advokatu iz S..., R., radi utvrđenja diskriminacije, odlučujući o reviziji tužiteljice izjavljenoj protiv rješenja Kantonalnog suda u Širokom Brijegu broj 64 0 P 042262 17 Gž od 08.01.2018. godine, u sjednici vijeća održanoj dana 26.04.2018. godine, donio je sljedeće

## **R J E Š E N J E**

Revizija se odbacuje.

## **O b r a z l o ž e n j e**

Prvostepenim rješenjem Općinskog suda u Širokom Brijegu broj 64 0 P 042262 16 P od 23.08.2017 godine odbačen je kao nedopušten prijedlog tužiteljice za povrat u prijašnje stanje od 04.07.2017 godine.

Drugostepenim rješenjem Kantonalnog suda u Širokom Brijegu broj 64 0 P 042262 17 Gž od 08.01.2018. godine žalba tužiteljice je odbijena kao neosnovana i prvostepeno rješenje potvrđeno.

Protiv drugostepenog rješenja tužiteljica je blagovremeno izjavila reviziju zbog povrede odredaba parničnog postupka sa prijedlogom da se revizija usvoji, pobijano rješenje preinači na način da se dozvoli prijedlog tužiteljice za povrat u prijašnje stanje.

Nije podnesen odgovor na reviziju.

Revizija nije dopuštena.

Prema odredbi člana 254. stav 1. Zakona o parničnom postupku<sup>1</sup> - u daljem tekstu ZPP, stranke mogu izjaviti reviziju protiv drugostepenog rješenja kojim je postupak pravomoćno završen.

Pobijano rješenje kojim je potvrđeno rješenje kojim se odbacuje kao nedopušten prijedlog tužiteljice za povrat u prijašnje stanje, ne predstavlja odluku koju ima u vidu odredba člana 254. stav 1. ZPP-a, jer tim rješenjem postupak se pravomoćno ne završava, pa stoga protiv takvog drugostepenog rješenja revizija nije dopuštena.

Osnovom navedenog valjalo je reviziju odbaciti kao nedopuštenu primjenom člana 247. stav 1. u vezi sa članom 254. stav 4. ZPP-a.

Predsjednik vijeća  
Amira Sadović, s.r.

---

<sup>1</sup> „Službene novine FBiH” br. 53/03, 73/05, 19/06 i 98/15